

KURSUS BINA NEGARA ASAS MAHASISWA (BTN)

Pelajar Tahun Satu program ijazah yang mendaftar sebagai pelajar UniMAP diwajibkan mengikuti Kursus Bina Negara Asas Mahasiswa. Kali ini para pelajar Tahun Satu PPK Bioproses sesi kemasukan 2008/2009 telah mengikuti program selama tiga hari dua malam di Kem Biro Tatanegara Kaki Bukit, Perlis. Program ini memberi pendedahan kepada para pelajar mengenai kepentingan mengenali jati diri Bangsa Malaysia. Setiap peserta dibahagikan kepada kumpulan-kumpulan kecil bagi membolehkan aktiviti berkumpulan dilaksanakan. Setiap modul yang disediakan mendidik peserta agar mempunyai rasa cintakan negara dan memahami peranan mereka sebagai generasi yang bakal memimpin Malaysia satu hari nanti. Selain daripada aktiviti berkumpulan yang berbentuk perbincangan, para peserta turut diberi latihan fizikal supaya seimbang dengan keperluan dalam membentuk sahsiah warganegara yang baik. Semua pelajar mendapat pengajaran dan ilmu yang baru untuk dipraktikkan sepanjang pengajian di UniMAP seterusnya, mengaplikasikan apa yang dipelajari ke dalam hidup sehari-hari mereka.

